



JUDICIAL SYSTEM MONITORING PROGRAMME
PROGRAMA MONITORIZASAUN BA SISTEMA JUDISIÁRIU

Komunikadu Imprensa
18 Novembru 2013

JSMP apresia Komisaun A konsidera rekomendasaun JSMP wainhira audensia ho Tribunál Rekursu ba planu Orsamentu Jerál Estadu 2014

Iha 8 Novembru 2013, Komisaun A Parlamentu Nasionál hala'o audensia ho Tribunál Rekursu hodi rona esplikaun no justifikaun ba preukupasaun Tribunál sira nian kona-ba ezekusaun órsamentu 2013 no proposta planu orsamentu ba tinan 2014. Iha okaziaun ne'e Prezidenti Komisaun A Carmelita Caitano Moniz, lee JSMP nia relatóriu survei ne'ebé rekomenda buat balun kona-ba Kestaun Rekursu Umanus, limitasaun facilidade no transporte, kestaun seguransa no bem-estar ne'ebé durante ne'e tribunál sira infrenta.

Hatan ba preukupasaun hirak ne'e Prezidenti Tribunál Rekursu konfesa katak, sira rekoeñese situasaun ne'e mak realidade ne'ebé sira infrenta durante ne'e. Tanba ne'e nia sujere ba membru deputadu sira atu konsidera rekomendasaun husi JSMP ninian hodi inklui tan item balu iha sira nia proposta nune'e bele fasilita di'ak liutan servisu autór judisiáriu sira iha futuru.

“JSMP apresia no louva deputadu Komisaun A ne'ebé disponivel atu aprezenta relatóriu ne'e no JSMP konsidera katak meus komunikasaun hanesan ne'e importante tebes atu hadia di'ak liutan ita nia sistema ne'ebé establese ona iha seitór justisa nian liuliu iha tribunál sira hodi bele hatan ba ezijensia povu nian iha seitór justisa,” dehan Diretór Interino JSMP, Casimiro dos Santos

JSMP observa katak durante audensia Tribunál Rekursu ho Komisaun A, parte rua konkorda atu halo mudansa ba ezijensia kona-ba renumerasaun ba autór judisiáriu sira nian relasiona ho pezu servisu no ezijensia públiku ne'ebé la ekilíbriu ho kontribuisaun no dedikasaun autór judisiáriu sira nian liuliu kona-ba bem-estar. Tanba ne'e Komisaun A husu ba tribunál atraves husi Ministériu Justisa atu aprezenta Proposta Alterasaun ba Estatutu Majistradu nian hodi sira bele halo mudansa renumerasaun ba autór judisiáriu.

Atu hetan informasaun kle'an liu tan favor kontaktu:

Casimiro dos Santos
Diretór Interino JSMP

Diresaun e-mail: casimiro@jsmp.minihub.org | santos.cos76@gmail.com
info@jsmp.minihub.org

Telephone: 3323883 | 77257466

Website: www.jsmp.tl

Face book: www.facebook.com/timorleste.jsmp

Twitter: @JSMPtl